

成仙捷徑四卷

清鄭觀應輯

清光緒三十四年省城十七甫穗雅鉛印本

原書版框高一八四毫米 寬一二〇毫米

據中山大學圖書館藏本影印

編審 林銳 倪俊明
校對 黃小高 朱俊芳 張玉華



光緒己亥年刊

成仙捷徑

上海翼化堂善書坊

嘗聞天下至尊者道至貴者德道非德不成德非道不廣昔黃帝叩廣成於崆峒素王禮漁父於沅澩是以君子莫不尊道而貴德然修道雖有三教之分其實原無二致蓋饑猶已饑溺猶已溺彼慈悲感應莫不同具此心苟非積德以求道又安能成聖成仙成佛也哉夫修道者以能盡性命為功而積德者以能救性命為行欲救人性命則莫大於荒年賑饑僕曾選輯古今賑饑而食報富貴者百餘則名曰富貴源頭茲復采由是而得道成仙者數十則顏曰成仙捷徑亦付手民以廣流傳俾知古今仙真無不立功濟世非徒獨善其身而已也

僕固儒生性耽玄理欲先圖建樹而後勇退潛修無如閱歷世途備嘗艱苦功業無成惟星馳南北訪道尋真幸遇真師得聞大道始悉金丹七返九還之妙與河洛易理同參至釋氏色空不二之法即吾儒所謂其為物不貳則其生物不測百姓日用而不知故曰道二仁與不仁而已矣仁者以財發身足徵君子之道費而隱知之非艱行之為難耳自愧功德未修廿載以來無緣下手祇以丹財罔措徒嗟素志未償誠有抱璞子流珠歌之歎所恃衣褐懷玉百奪不移藏器於身待時而動願與天下有志之士廣修至德以凝至道相期躍出凡流

同登聖域洵成仙之捷徑亦僕生平之厚望也夫

崑

光緒辛卯冬至日香山鄭官應謹序

成仙捷徑目錄

卷一

尹公文 王妙想 章玉子 王太極

陳安世 周紫陽 張天師 劉文饒

董杏林 周爰支 葛仙翁 鄭思遠

李阿 牛文侯 王道義 鮑太玄

許叔玄

成仙捷徑

目錄

二

省城十七甫總雅承印

卷二

葛稚川 許旌陽 吳猛 陳孝舉

周惠常 曾興國 時荷 甘戰

施岑 王纂 鍾離嘉 張巴玉

陶弘景 孫思邈 田仕文

卷三

胡惠超 李太白 許宣平 顏魯公

葉千詔 李珣 楊孝子 呂純陽

韋善俊 王老 譚峭巖 王仙柯

劉德本

卷四

譚紫霄 藍嶽山 劉玄英 王重陽

馬陽丹 陳翠虛 邱長春 莫月鼎

張三丰

成仙捷徑

目錄

三

省城十七甫總雅承印



香山鄭官應陶齋編輯

井真八

無上真人姓名 字公文少博學好墳索精天文力行陰陽不使人知惟於荒年必倡賑舉周康王時爲大夫後爲東宮賓友別築一樓仰觀乾象精思至道遙見東方有紫氣西邁知有聖人當度關而西因求爲函谷關令老君欲開化西域乃以昭王二十三年五月駕青牛之車徐甲爲御將西度函關喜至關日夜觀星度應於九十日內有大聖人經過京邑乃諭關吏孫景若有形容殊俗車服異常者勿聽過喜豫期戒使掃路四十里夾道焚香以俟天真人境至七月十二甲子果有一老人皓首耳垂白與駕青牛而至關吏乃入白喜曰道今來矣即具朝服出迎跪伏叩首曰願大人少留聖駕老君謝曰吾貧賤老翁居在關東田在關西今暫往取薪何故見留喜復稽首曰大人豈是取薪者願少憩聖駕老君問子何所見而知吾對曰喜少好墳易天文祕緯去冬十月天理星過昂自今月朔融風三至東方真氣狀如龍蛇而西此大聖人之徵也今以有緣果遇仙駕願垂慈誨開濟沉冥老君乃怡然笑曰善哉子之知吾吾亦已知子矣子有通神之見當得度世也於是留關百餘日授喜太清觀天之神金液神丹諸經及八煉九轉還丹伏火之訣論曰審欲神仙當先服還丹金液如不煉服虛自苦爾爲寒濕風濕鬼氣所擊司命不能成仙 捷徑 卷一 省城十七甫德雅承印

救也可不勉哉努力作丹早自防備勿示愚人益子之過嗟乎行矣雖富有萬物曾爲王侯不滿百年成土一簣甚可哀也今作神丹勞苦須臾一成就仙與天相畢恣心所欲樂何央乎又曰子將爲衆真之長當以此兼利天下傳弘大道復以道德五千言授之次年甲寅四月二十八日於南山阜上辭喜升天身現金光洞照十方冉冉昇空而去

王妙想真人

王道士妙想晉時人晉歸入道居首梧黃庭觀每持誦黃庭經以米記數逐日投置一塚中歲終傾數爲齋飯供天尊精誠感通一日祥光滿觀天官降座諭真人曰頃者地司奏子居山三十年守道不邪初終如一立經云常善救物故無棄物道之布惠周普物物皆欲成之人人皆欲度之但世人福果卑微道氣膚淺不能精專勤久道氣未應而已中息是入自棄道非道棄人也子廣行陰陽慈心利物精誠一志歷劫不磨期望所證不怠不退深可憫也即命侍宸授以駐景靈經妙想叩謝伏地奏曰境內饑荒餓殍遍野心欲賑濟而苦無力幸逢天官下降乞鑒愚誠垂恩拯救天官曰子但拾記經之米賑饑足矣對曰饑民數萬米數無幾何能爲天官曰凡布施在一念之誠祇視願力大小不拘爲數多寡縱使一撮米一粒粟亦成功果諭畢祥雲滿庭旛幢侍從接駕升天真人探壘米已中實傾囊罄盤滿傾諸貧貧滿盛觀中之器而終不竭遂於觀後空地布席將經書夜傾瀉聚米如山連以放賑境內一切饑民賴以全活越數年天詔下降白日飛昇

後人於其處別建營道觀

章玉子真人

章玉子名震南郡人也少學衆經周幽王微之不出嘆曰人生世間去生口遠去死日近但貪富貴不知養生命盡氣絕則死位爲王侯金玉如山形爲灰土究何益乎獨有神仙度世可以無窮爾乃師桑子具受衆經別造一家之法著道書百餘篇其術以務魁爲主而精於五行演其微妙以養性治病消災散禍爲主能起風風伐屋折木作雲霧雷雨以草芥瓦石爲六畜龍虎分形爲數伯千人能涉江海含水噴之皆成珠玉遂亦不變也或時閉氣不息舉之不起推之不動屈之不曲伸之不屈數十日復起與弟子行九泥爲馬與之令閉目須臾皆成大馬乘之日行千里又能吐五色起數百丈飛鳥過指之即墮臨淵投符召魚龍即皆上岸又能使諸弟子舉眼即見千里之物尤精務魁之術其務魁時以器盛水著兩魁之間吹而噓之水上有赤光起一二丈以此水治病病在內者飲之病在外者灑之皆立痊凡有所獲財物悉賑貧乏復入崆峒山合丹白日昇天按章真重性命輕富貴與周秦時馬成子之說無異馬成子云百年之命六尺之身不能自保者舉世皆然也天既生我必有可延之道何爲不內修妙道外積陰德徒爲子孫計而自甘投於死地乎我聞道者萬物之祖稟生之元化生之本天地之根歷世不變湛然常存非明師授受何得真傳太上以道氣爲內丹藥爲外丹陰功爲內丹金丹爲外丹不其然乎願與同道者勉之 成仙 捷徑 卷一 省城十七甫德雅承印

王太極真人

王君名探字養伯太原人深窮道本仕漢爲中常侍中郎以呂后專政托迹南山居於樓觀常閱道德經知名與身疎德爲道本故隱行衆善遇歲荒必倡舉賑濟趙仙翁嘗化狂丐求乞施之不已而求取無厭皆欣然應給未嘗疑怪於是實告曰我試子耳子可教也遂授以黃庭內修之訣入南山採藥遇太元玉女西靈子都授以藏形錄景之道即能變化身景倏忽萬端而其本身與人言笑無異復師司馬李王得其神化無方之法藉以隱顯濟世年九十一歲漢元朔六年正月望西靈金母遣仙官降迎授封爲太極真人

陳安世真人

陳安世京兆人也爲灌叔平客稟性仁慈行見鳥獸下道避之不欲驚動不踐生蟲未嘗殺物遇危急者無不竭力扶持水旱之區區資賑濟生平無嗜好惟好道思神忽有二仙人託爲書生從叔平遊以觀試之叔平不覺久而轉悟叔平在內方作養二人詣門問安世叔平在否答曰在八叔平叔平欲出其妻止之曰餓書生欲求肚飽耳勿與食叔平使辭焉二人曰汝向言在今言不在何也答曰大家使我云爾二人嘉其實對曰叔平勤亦有年今值苦二人而反憊怠既成而敗之矣問安世曰汝好遊戲耶耶答曰不好又曰汝好道耶耶答曰無緣知耳二人曰汝真好道明早會道北大樹下安世早往期處日西而不見將去曰書生欺我耳二人在其耳邊呼曰汝來何晚

耶答曰早來但不見君耳二人又三期之而安世輒早至知其可教與以藥兩丸誠曰汝歸家勿復飲食則止一處安世依誠二人常往其處叔平怪之空室何得有人語往復不見何也答曰我獨語耳叔平見其不復食但飲水止息疑非常人自先知先賢嘆曰夫道尊德貴不在年齒先聞道者則為師矣乃執弟子禮安世道成曰日昇天臨去以道傳叔平後亦得仙也

周紫陽真人

真人姓周名義山字季通汝陰人漢丞相勃七世裔孫世代名臣祖玄漢昭帝元鳳元年為青州刺史父秘為范陽令真人年十六始讀孝經論語周易為人持重喜怒不形好靜默所感必通每逢貧乏解衣推食隨遇而施嘗遇荒年破產賑濟每與人困急人莫知其為誰遇陳留黃泰告曰聞子好道陰德流行用思精妙誠感於我是以詣子吾中人也授以煉身消災之道偏謁洞府得遇仙師各真法授秘書混世潛修積十一年遂駕龍乘雲白日昇天上詣太微宮受詔為紫陽真人

張天師

天師姓張名陵一日道陵字輔漢沛豐邑人留侯八世孫也建武十年正月望日生於吳地天目山龍眉廣額綠鬚朱頰隆準方頤目有三角伏犀貫頂玉枕峰起垂手過膝美鬚豐下貌上望之儼然七歲通道德經及長凡天文地理河洛圖緯之書皆臻其奧漢平帝永平二年詔書成仙捷徑

卷一

三

省城十七甫德雅承印

拜巴江州令每遇饑荒發米散財以賑窮乏身雖仕而志慕修煉舉退隱北邙山朝廷徵為博士稱疾不起和帝聞其有道以三品印綬車徵為太傅封真縣侯三詔不就使者曰為我謝天子人生百歲光陰瞬息父母妻子恩愛隆厚豈能長有哉九天之上無何有之鄉金闕帝君將詔吾以為臣矣惟清靜寡欲則天下自治何以臣為時永元四年壬戌歲也遂自何洛徧禮洞府得受秘傳潛修密煉能飛行遠聽得形散影通神變化之妙西城房陵有白虎神好飲人血其民殺人以祭天師召而戒之遂滅梓州有大蛇時吐毒霧三五里外中者即死天師禁之不復為害度人救物已著陰功修煉九鼎神丹三年將成未敢服謂其弟子王長曰沖天之士當功及生靈佐國安邦利除害然後輕舉臣事三清始無愧焉苟利一身功不及民非大道弘濟之旨也漢安元年正月望日天師在鶴鳴山老君告曰吾昔降蜀山立二十四治乃二十八宿下固實陰景黑簿之司分掌人世生死罪福禍福下元生人繫絕苦現延累祖考積成幽靈令人凶折終不得道即在此獄之中吾已更置福庭經令數劫仙僚不充職司墮廢近有六天鬼神血食之輩侵奪以居晝夜不分人鬼無別枉暴生民妄罹災害深可痛惜子可為吾掃邪歸正分別人鬼各安晝夜復興此治以福生民則子功無量矣天師叩首謝曰謹當奉行不敢懈怠老君命召三五功曹開紫陽南宮內殿取正一盟威秘錄授之於鶴鳴山按法遵行修之十日隨兵所指隨遁出沒皆得自然遂依告命戰鬼於蜀鬼魔率眾來害天師以丹筆一畫鬼眾悉死魔王撲地叩頭乞命

自今不敢復來乞往西方婆羅之國天師倒筆再畫鬼魔悉起滅影而遁矣於是鶴鳴山清鬼幽獄復為二十四福庭降二十八宿正氣以通地中每治立有仙官一名陰官一名分掌世人罪福有立功行修齋醮拜表謝過祈禱拔祖考者則仙官錄其功行奏名上官增其福壽如有不忠不孝欺詐狠戾常行惡事不改者則陰官錄其罪聞於地府損其福壽或絕其後由是善惡之報彰彰焉真人既行正一之化萬邪悉誅妖魔絕滅鬼神奉法天地清甯後於永壽二年大丹煉成神形俱妙乃於雲臺治之西北半崖開身躍入石壁中自縊頂而出因成二洞今崖畔曰峻仙洞崖巔曰平仙洞天師功蓋人天師表萬世天爵人爵永隆子孫可見道高德重顯赫如斯皆由志向願力所致耳

劉文鏡真人

漢太尉劉名寬字文鏡弘農華陰人少好道舉方正遷南陽太守親民如子慈不形顯廣行仁政萬民悅而增之如父母焉仕官為司徒太尉一日上賜酒伏地睡不起謂問故乃對曰臣任重責大懼憂心如醉且使奴至市買菜而奴用錢飲酒晏始還臥於閣內又不得菜既醒乃為之為死狗屠畢即束帶入朝恐奴從後自殺所以慮之不覺忽然睡爾其寬恕仁愛之心如此年七十三不祿贈封建鄉侯諡曰昭因遇青谷先生授以尸解法棄世入太華山修煉丹成天詔封為太華山童初成仙上侯今在洞中主世間初學道名籍

成仙捷徑

卷一

四

省城十七甫德雅承印

董杏林真人

真人姓董名奉字君異福建侯官人生于漢武帝時隱居於江右匡廬山道隱處子訪道三十年遇真師傳授遺錄章十餘載修成大藥煉就還丹以志在利濟羣生故爾留形住世徧遊名山洞府還至廬山下居焉常以靈藥及咒水治人病神効無比不受酬謝病痊者使裁杏五株輕者一株數年間得七萬餘株鬱然成林百獸游戲林下有虎伏地張口以爪指牙真人會意以醫藥治其患處虎叩頭自是為之守林杏子熟時林下作倉語人曰買杏者不須交報納穀一器置倉中即自往摘杏一器人感真人之德無敢欺瞞者每歲得穀萬餘斛用以賑恤貧窮供給行旅餘者積儲以備荒年之賑一日有老人左目患膜叩求醫治真人以藥筆點之立愈老人曰我龍也無以報德但真人欲作霖雨時唯命是聽值歲大旱縣令丁士彥齋酒脯來叩曰知先生有道必能致雨真人曰雨易得耳既又仰視其屋曰貧家屋皆見天不可得雨如何令會其意即命史查戶為諸貧民修葺屋宇壞者為之修蓋百姓感戴歡聲動天越宿大雨高下皆足其救濟生靈驅除妖怪事蹟甚多西晉末年有仙官下降宣讀玉帝詔命授為壽星上監封太一真人白日飛昇居民於杏林之中建祠頌曰太一宮朱真宗勅賜大中祥符觀徽宗宣和間勅封昇元真人

周元君

元君姓周小字爰爰父名暢字伯持好行陰德惟恐人知仕漢為河南尹永和三年大旱竭

力籌賑活人無算又收葬洛陽城外客死骸骨萬餘爲立義塚祭祀之應時大雨歲乃豐收太上以暢有陰功令從南宮受化得仙今在洞中爲明晨侍郎元君少好道得遇石長生教之以化遁者上尸解也

葛仙翁

葛仙翁名玄字孝先漢延禧七年四月八日誕世家本鄉世傳管組高祖盧爲漢驃騎大將軍封下邳侯用兵仁恕不妄誅一人祖矩仕漢爲黃門侍郎父孝儒歷大鴻臚登尙書代有陰德扶危濟困活人無數仙翁生而穎秀年八歲失怙恃至十三凡經傳子史靡不該覽見父手澤必仰天號泣愴然曰山川不改色嚴父已歸空天下有長生不死之道何不修之因遁迹靈嶽遐求異人好彈琴誦莊老安閒淡泊內足無求入天台赤城上虞山遇真人左元放授以九丹金液仙經煉氣保形治病効鬼秘法三元真一秘經行持三年廣積功効靈帝光和元年老君勅太極真人降天台授以靈寶諸經及符籙俾行教於世叩謝後願力益深念漢鼎爭分生靈塗炭又遭水旱之災兵燹殍死者不可紀極沉魂滯魄難出輪迴於是集靈寶經誥撰成祭煉大法生天寶籙靈符等奏聞三清建立沙壇每於三元八節演法施幽超度一切屢獲感應通鬼王朝謝又總括上清靈寶諸經編要集爲九幽大輿經一部計十卷流傳天下凡奉行者或懺罪消災或符亡祈福皆得過去超生現存蕪湖仙翁自遺真師煉成分形萬化之法入水不溺入火不焚護國救民

成仙捷徑

卷一

五

省城十七甫德雅承印

無不顯應仙蹤遺蹟在蜀居多難以畢舉吳赤烏元年十一月初一日奉勅命告行於童童山時大丹已成又蒙玉帝錫命不得久住人間於赤烏七年八月十五日飛昇咸見金童玉女幢旛侍從奉詔接引上升宋崇寧三年奉勅封爲冲應真人諡祐寧君

鄭思遠真人

鄭隱字思遠世稱神醫號小祝融即火龍真人精通曆候晚師葛仙翁受正一法及符籙諸秘傳入廬江馬迹山居遇人有疾苦以符咒治之無不立見功效後人求不受人謝或強之受悉以馴養之所住之山虎生二子山下人擒得虎母虎父驚逸虎子無依真人見之將還山舍養之虎父尋還遂依真人後出每乘虎幼虎負經書醫藥以從于永康橫江橋逢相識許隱具飯虎即拾柴燃火隱患齒痛從真人求虎落欲及熱橋齒間真人拔之虎伏不動非道高德厚者孰能伏之

李阿真人

李阿三國時蜀人也常乞食於成都所得多少隨轉施與貧乏者遇歲荒則各處乞來置之災區以賑饑饉能化身千萬人莫能知夜去朝來莫知其宿有古強者疑是異人常親視之隨之還所宿乃去青城山中強仍復隨去恐有虎狼私持其父大刀阿見而怒曰隨我行那畏虎也取強刀以擊石刀折強切憂之至且復出謂強曰汝憂刀壞耶曰實恐父怒阿即收刀以左右擊地刀復如故強隨之還成都趨於路旁適逢車過輾其脚骨皆折即死強守視之須臾復起而折骨

已復如常強童時見之如四十許人相隨七十餘年而狀貌不見其老忽語人曰崑崙召我遂不復還強後不知所終

牛文侯真人

道士牛文侯隴西人品性穎悟洞達孔孟深入老莊誨人不倦首以忠孝其勸戒則示罪福之理其威禁則以符籙之科由是法教重興人多化惡爲善未嘗介意於財利至于不得已受小而辭大訪人貧乏暗致財物於其家人不知其誰之施也每冬寒布穀於山野以食禽蟲聞有饑荒之區集資往賑陰積功行久而愈篤西魏文帝五年夢青衣道童授以口訣潛修坐化年八十二

王道義真人

道士王道義魏時人也博覽羣書兼明緯候知終南有尹喜登真之所後魏孝文太和中自射山將門弟子居之初道士牛文侯尹靈鑒敷洪道化朝野欽奉道士則之時值歲歉於是重修觀宇以工代賑就役者日常百數而用不竭人訝而窺之倉庫皆備取多而益不窮咸知師之神化陰有靈助由是樓觀壇宇一皆鼎新惟秦始皇所造老子殿以其宏麗不加修飾令門人購集真經萬卷皆自捐力未嘗求人其性澹然無累後魏宣武永平中返真白雲滿室異香盈庭踰日方散里人見其乘鹿而去

鮑太玄真人

成仙捷徑

卷一

六

省城十七甫德雅承印

真人姓鮑名觀字太玄陳留人先世累積陰德生而穎異樂善不倦少則慕道師左元放受中部法及三皇五嶽効召之秘役使鬼神療病驅邪無不應驗晉元帝大興元年出游蔣山見一人鶴髮童顏俱行數里運足徐徐相離不遠而奔馬莫能及因問曰相觀行步必有道者其人爰發璞曰君元吉自天宜學輕舉之道初遇龜觀授以中部之法及三皇內文一旦辭家改名遠游於赤城遇道玄傳以太初之秘又師王世龍受解求反行之道服玉液還丹三年面返童顏三官都禁遣曲柄侯騎使者嚴白虎出丹簡罪簿揭其諸愆若然無答須當執也因長笑叱曰大道無親惟善是與天地無私隨德乃矜吾七世祖儼仁積德散財濟世遇凶年授歲躬行放賑自營方藥賴以活命者四百八人德垂我等應得仙五人皆錄名青宮豈汝輩可以豫乎言畢會司命官遣騎侯李遵握令而至訪等過去即與弟穆同時成道

成仙捷徑卷之一終

成仙捷徑卷之二

香山鄭官應陶齋編輯

葛稚川真人

葛洪字稚川自號抱朴子丹陽句容人家貧好學嘗伐薪以易紙墨從人借書夜輒鈔寫誦習遂以儒學知名爲人木訥未嘗交游慕乃祖仙翁遺風志爲道基切聞鄭隱爲乃祖仙翁弟子不遠千里崎嶇跋涉訪而師之悉得其授受真傳之秘以財不足未能速修晉成帝咸和初司徒王導召補州主簿後遷爲散騎常侍固辭不就聞交趾出丹砂乃求爲勾漏令帝以洪才高不許乃對曰洪非欲爲榮以其地有丹砂耳帝從之遂將子姪俱行至廣州刺史鄧嶽留不聽去乃止於羅浮山煉丹在山積年優游閒養著述不輟其自序云洪體乏超逸之才偶好無爲之業假令奮翅則凌空去霄翥足則能追風躡景猶欲戰戰兢兢于斥鷃之羣藏逸迹於破驢之伍何況大塊稟我以尋常之短羽造化假我以至道之塞足自卜者審不能者止豈敢力蒼蠅而慕冲天之舉策蹶隨而追飛兔之軌哉是以望絕于榮華志安乎窮圯藜藿有八珍之甘蓬華有蘋藻之樂也世儒徒知服膺周孔莫信神仙不但大而笑之又將毀謗真道故余所著子言實白之事名曰內篇其餘剝離通釋名曰外篇雖不足藏之名山但欲緘之金匱以示識者自號抱朴子因以名書洪博聞深治江左絕倫著作富於班固精辨玄義析理深微每遇凶年饑饉必詣廣州刺史鄧嶽請

成仙捷徑

卷二

省城十七甫德雅承印

許旌陽真人

晉許真君名遜字敬之江西南昌人博通經史明天文地理音律五行讖緯等學尤嗜神仙修煉之道聞西安吳猛得至人丁義神方乃往師之悉傳其秘遂與郭璞訪名山求善地爲棲真所得道遂山金氏宅因往居焉不求聞達日以修身爲事鄉黨化其孝友交游服其德義郡舉孝廉不就朝廷屢加禮命不得已于太康元年起爲蜀郡旌陽令時年四十二歲事之初誠吏胥去貪鄙除煩苛脫囚禁悉開諭以道吏民悅服咸思自新發摘如神吏莫敢欺其聽訟必先教以孝弟仁慈恭儉禮讓忍事息爭親賢遠佞具載文誠言甚詳悉復慮百里之遠難於戶曉乃擇秀民有德望者委之勸率故爭競之風日銷至於無訟先是歲歉民無以輸租郡邑繩以法率多遷移真君乃以金潛瘞於縣圃藉民之未輸租者使服役於其間民鋤土獲金賴以輸納遂悉安堵鄰境流民慕其德惠遠來依附甚衆戶口增衍屬歲大疫死者十七八真君以所傳神方合治之符咒所加沉痾立愈傳聞他郡病民相繼而至日以千計於是標竹於郭十里之江置符於其中俾就竹下飲之皆痊其不能自至者汲歸飲之亦獲安痊民爲之謠曰人無盜竊更無奸欺我君活人

病無能爲任旌陽既久知書室將亂乃棄官東歸蜀民感其德化無計借留所在立生祠家供畫像故事如神明焉真君與吳真遊于嵩陽聞金陵丹陽有女師誨母有道同往師之母曰子等皆夙稟靈骨唐積陰德名在天府乃擇日登壇依科盟授開明大道誓戒丁甯出銅符鐵券金丹寶經諸秘悉以傳付許子又謂吳猛曰子昔以神方諸法爲許子之師今孝悌明王之道獨許子得傳將來爲衆仙首領子當返師之也後真君與吳猛潛修成隱顯人間普行濟世誅蛟斬妖除害安良自東晉亂離江左頻擾而真君所居環百餘里盜賊不入閭里晏安人無災害其福被生靈人莫知其所以然也寧康二年真君一百三十六歲八月朔舉家四十二口白日拔宅昇天咸見二仙乘駕降於庭曰奉玉帝命賜子詔授九州都仙太史云豫章今尚有鎖蛟井諸仙蹟真君有銅符鐵券遺謚云吾上升後一千二百六十年起五陵之內富有三十靈劍子八百地行仙出視置下松枝拂地鎖蛟井口沙滿白沙飛過城此其時也

吳猛

吳真君名猛字世雲仕吳爲西安令因家焉性至孝韶時夏月手不驅蚊懼其去己而害親也年四十得至人丁義授以神方繼得南海太守鮑靚傳以秘法吳黃龍中天降白雲符授之遂以道法大行於吳晉之間晉武帝時許真君從之求法盡以秘要授之及許真君受道于謙母乃反師之永嘉末杜弢寇蜀攻陷州縣追許真君既誅大蛇乃曰蛇是蜀精蛇死則杜弢滅矣卒如其言嘗見暴風大作書符樹屋上有青鳥啣去或問其故答曰南湖有舟遇此風有二道士呼天求救故以此拯之驗之果然過歲荒隆行賑人莫之覺西安令于慶死已三日真君日令長數未盡當爲訟之于天遂臥于屍傍數日與慶俱起慶弟著作郎寶感其異遂作神記行於世嘗渡豫章江風濤之舟以所執白羽扇畫水而渡觀者駭異曾孝武帝甯康二年許真君拔宅飛昇乃還西安是年十月十五上帝命真人周廣樟詔召之遂乘白鹿車與弟子四人白雲冲昇宅號紫雲今分靈縣吳仙村西平靖吳仙觀是也宋政和二年五月詔封真人詞曰洪都福地紫府列真既靈異之有聞豈衰崇之可後以爾早學至道嘗悟秘言道化施行世稱慈父功行市就飛昇帝鄉大江之西尙存故宅凡禱輒應吾民是依歸之新封用彰朕意朕命惟允其鑒于茲可特封神烈真人

陳孝舉真人

陳勳字孝舉蜀川人博學洽聞盛興仁義時魏侵蜀劉後主降孝舉年尙少已有出塵之志入青城山師谷元子求度世之法在山修持既久聞許真君出爲旌陽令仁政及民走謁公庭願充書吏真君嘉之付以吏職凡表率流輩設化民俗撫字之術裨益爲多遂引門弟子託以心腹典司經籍監守藥爐每於豐稔之歲告糴數萬石穀米儲倉三年以陳易新遇歲荒散用以爲賑與周惠常曾與國爲真君領款查戶賑恤饑民真君飛昇命執策導前焉玉隆宮西廡有孝舉道

號承仙府手植栢一株其院面栢而居宋政和二年詰封正持真人其詞畧曰以爾早以誠懇師事道君門人之中獨掌秘典功行甫就懋懋而昇大江之西儼有遺像

周惠常真人

晉周廣字惠常廬陵人東吳都督公瑾之後也少好天文音律之學長通清淨無爲之旨與同志遊巴蜀雲臺山得傳漢張天師符籙之法救民疾苦聞許真君令旌陽詣謁公庭願備下執真君納之令侍杖履夙夜惟勤進行道法始終不怠還居私第左右無違乃就宅西百餘步築室以居遇歲荒隨吏查戶賑濟有患病者以符療之真君飛昇與會國御龍車宅號宣詔府宋政和二年封元洞真人其詞畧曰以爾早契山宇師事仙君元化通神能得其道功行甫就借昇帝鄉大江之西儼有遺蹟

曾興國真人

晉曾字興國泗水人先賢之後也天資明敏博學多能修三天師之教逆知來物名山勝地有路必通妙訣靈符無治不効隱居豫章之豐城聞許真君道舉投謁門下願侍巾几真君器重之神方妙訣無不備傳遇荒災之年奉委查戶賑濟凡有病者與惠常書符治之無不立愈後移龍車隨許真君昇天今豐城縣真陽觀是其遺蹟宋政和二年詰封神惠真人其詞畧曰以爾骨秀神慧天稟殊姿師侍仙君雅與道合功行甫就借遊帝鄉大江之西當存壇井

成仙捷徑

卷二

省城十七甫德雅承印

時濟真人

時荷俗姓徐字道陽鉅鹿人少爲道士入四明山遇神人教以胎息衆妙之法能卻瘴絕粒役使鬼神驅除邪魔點化金玉彌濟窮苦民受其賜聲聞遐邇知真君道法盛行江左投充弟子真君納之授以秘訣復遣還山教導徒衆晉明帝詔赴闕堅不願留竟歸侍真君後與陳孝舉執册僞從昇天有遺迹在豫章城號紫蓋府今南昌縣縣址也東海林海縣奉仙觀乃其舊隱處宋政和二年封洪施真人其詞畧曰以爾系出東海世稱仙材能自得師以有洪範範範節節爲同昇大江之西向存故宅

甘戰真人

甘晉戰字伯武豐城人以孝行見推於鄉黨遭時亂離晦迹草澤喜神仙久視之道聞旌陽道法德政造門叩請願備驅役真君其材器允其所請真君上昇傳以金丹秘訣後歸豐城布德行惠活人無數至陳大建元年正月七日亭午天詔下降乃駕麟車乘雲而去其故宅號華陽亭有飛簀觀爲之奉祀宋政和二年詰封精行真人其詞畧曰以爾幼跡道教長事仙君驅妖除邪厥功甚茂精行既備昇遊帝鄉大江之西向存故宅

施岑真人

晉施岑字太玉沛郡人祖朔仕吳因徙居九江赤烏縣太玉狀貌雄偉勇健多力弓劍絕倫常懷

救濟除害安良會許真君領徒衆誅海昏大蛇率鄉壯三百餘人來助力致恭拜懇真君納之與甘伯武常佩劍侍左右寧康二年十月二十八日晨見東方日中有童子乘綵雲執素策驅蒼虬降其所居宣玉帝詔遂御蒼虬乘雲而去真君宅東西二里間有壇曰紫玉府即其所棲之地西嶺鎮江於石上有觀爲太王眺臺南昌亦有之皆當時眺望水妖者宋政和二年勅封勇悟真人其詞畧曰以爾性勇而悟能自得師授以至言俾之入室神童指妙飛昇帝鄉大江之西故宅猶存

鍾離真人

真人覆姓鍾離名嘉字公陽一字超本南昌人許真君仲姊之子少喪父母植性簡淡真君以其有愛道之資乃授以妙訣傳以神方濟世救人奉行不懈真君昇天首有神丹之錫是年十月十五日中碧霞寶車自天來迎拜詔昇霞而去新建象牙山之西源是其所居號鍾王席曾在丹陵觀煉藥石白尚存焉

王道士墓

道士王纂金壇人居馬跡山常行陰陽於世值西晉末中原亂離饑疫交作纂深憫之飛章哀告上天而涕泣不已後三日室中有光如晝異香天樂下集於庭金甲將軍童玉女導從前後道君降坐論纂日子憫生民形於章奏感動幽明地司上呈吾得以鑒誠於子夫陰陽化育萬物而君降坐論纂日子憫生民形於章奏感動幽明地司上呈吾得以鑒誠於子夫陰陽化育萬物而

成仙捷徑

卷二

省城十七甫德雅承印

五行爲之用五行互有勝負各有盛衰代謝推遷死生相續間不容息億劫以來未始暫輟運五行而得其生者合於至陽昇天而爲仙順隨五行而得其死者淪於至陰在地而爲鬼鬼物之中有強弱優劣善惡與人無殊玉皇天尊應鬼神之肆虐於人故命五帝三官檢制部御律令刑章罔不明備而季世之民這源既散流爲日生不忠不孝違背綱常自投死地由是六天故氣魔鬼之徒與歷世以來敗軍死將戕害生民逐雨隨風因哀伺隙爲種種病中傷極多如王剪白起從來將領生爲兵統死爲鬼帥有功者遷爲陰官殘害者猶居魔屬乘五行敗氣爲療爲疫吾以陽威憚之神況伏之自當彌戰今以昔所受真唐神化神咒二經復授子行之可拯萬民外積陰功內修真氣始終不懈自可成真言畢千乘萬騎雲車上升真按經品齋科行世江表疫癘自是不復作後壽百歲預告門弟子坐化之期

張岳真人

張巴玉名岳廣南封州封川縣人少習儒業衆所推伏以才于祿明年用之位至司空及東晉嗣位嘆曰夫榮必辱辱我之神遂具表辭官南歸誓慕長生久視之方願卜棲真養性之地帝留不遂文武百僚餞送司空於東門至攸縣文清驛愛溫山水秀麗曰此山上有瑞雲蓋頂紫氣凝天山中必隱神仙適予生平之志也遂入溫水源放光峰下瀾草舍三十餘間居焉全家齋戒誦大洞真經三十九章外日與鄉人治水陸田持三百大戒凡二十年忽一日見神人策杖從山而

來語曰吾葛洪子也奉上帝命授子金丹火鼎之訣汝可秘而行之密濟貧若飽時功滿相見大藥金丹得度世爲神仙勿輕泄司空俯伏而謝自是益勤行齋戒後成火鼎之功點瓦礫爲黃金密濟孤老貧病梁武帝天監二年八月十四夜半空中喚云絕早可領家人山惟留女使盧瓊在家至晨已間有一道流從空而下身生疥癩問曰司空在否曰入山未歸道流脫衣入酒庫齋中酒浴身上疥癩而去謂女使曰司空歸可與語葛道士特來相訪司空聞之喜聞庫中酒有異香遂陳席廳上一宅良賤悉取庫內香酒均飲司空飲罷乃令家僮備湯沐浴更衣而坐召鄉老諸門徒隨司空入山焚香升壇詣鄉老門徒曰天將詔予非子厭世言訖鸞鶴舞於空中祥雲霧於壇上舉家八十餘口白日輕舉而去惟女使昇至半空而墜司空嘆曰汝無仙分且下山待吾見上帝爲汝陳奏至十八日帝勅玄武神下降鎮守山界以女使爲土地守護山壇是日鄉老門徒陳昇等遂具狀申縣備錄事實狀奏聞自此號司空山陳文帝永嘉初有丹陽章馬二先生詣鄉人曰予張司空弟子也特來尋司空住處人曰司空已拔宅飛昇還宅人不居住二先生聞之喜入山齋戒修道一旦功就異香滿室樵者舉目視之二先生各乘鶴雲白鶴冲天而去天寶七年明皇見夢司空山仙壇賜額朱陽觀選有道德者住持宋徵宗政和三年改賜額陽升封張爲太素真人又特封冲升真人

陶弘景真人

成仙捷徑

卷二

五

省城十七甫德雅承印

陶弘景字通明丹陽人也丰儀韶秀朗目疎眉長額聳耳少好道得葛洪神仙傳晝夜研究而讀書萬卷一事不知深以爲恥年弱冠齊高祖作相引爲諸王侍讀惟以披讀爲務朝議故事多所取則焉年二十八召拜左衛殿中將軍品行如珠心明如鏡善爲方藥樂陰功年三十六拜表辭職詔賜燭二十挺帛十疋月給茯苓白蜜以供康餌歸至茅山立館自號華陽隱居先生閉戶著述稽古探奇無微不至因得許真君手書真蹟東行尋求靈異謁杜京產法師及蕭尊宿道士遂并得諸真遺迹十餘卷既得秘訣以爲神丹可成每苦乏丹財合藥武帝手詔招之錫以鹿皮巾屢加禮聘先生乃畫二牛一散放水草之間一著金絡頭有人執繩以鞭驅之帝覽而笑曰此人無所求欲效曳尾龜遇國家有大事無不諮詢時人謂之山中宰相年逾八十而有壯容大同二年告化顏色不變異香滿室竟日不散詔贈中散大夫諡曰貞白先生

孫思邈真人

孫思邈京兆華原人七歲就塾日誦千言及長誦子百家無不通尤好談老莊周宣帝時以王室多事隱於太白山學道鍊氣養形以求度世洞曉天文精於醫道凡所舉動務行陰陽偶行郊外見牧童打小蛇已傷血出遂脫衣覆而救之以藥封裹放於林下月餘出行見一白衣少年僕馬甚部下騎拜謝曰小的蒙道者所救思邈不以爲意少年復拜請以別馬載之偕行如飛到一城郭花木正春景色明媚門庭煥赫如王者居入見一人端正美貌袿帽絳衣侍衛甚眾欣喜相迎

曰深思道者故遣兒輩相迎前者小兒出爲愚人所傷賴脫衣贖救獲全其命感再生之恩得面道者榮幸足矣俄頃延入宮闈少年女子領一青衣小兒出再三拜謝曰此兒癡癡爲人傷損賴救免害思邈者記嘗救青蛇訝此何所也見左右皆閭人官奴呼爲王呼女子爲后妃潛問於左右曰此姪陽水府也王者命設酒饌樂以宴之辭以辟穀服氣惟飲酒耳留連三日問其所欲對曰山居樂道思真煉神目雖有視心固無欲以輕絹珠金贈行堅辭不受曰道者不以此爲意即何以相報命其子取龍宮藥方三十首與之曰此真可以濟世救人復命僕馬送歸山思邈歸歷試諸方皆神効後著千金方三十卷龍宮方亦在其內可以聲色診人之疾著有脉經行世隋文帝時召詣京師上訝其容貌甚少曰汝知有道者可尊軍授以爵位固辭高宗初拜諫議大夫復固辭范陽盧府都督時名問養性之要答曰天有盈虛人有危屯不自慎不能濟也故養性先必知自慎慎以畏爲本士無畏則簡仁義無畏則墮稼穡工無畏則慢規矩商無畏則廢業臣無畏則動不立君無畏則亂不治是以太上畏道其次畏天其次畏物其次畏人其次畏身憂於身者不拘於人慎於小者不懼於大戒於近者不悔於遠如此則人事畢矣永徽三年二月十五日年已白二十歲沐浴更衣端拱而坐曰我爲世人所逼隱於洞府修煉將昇無何有之鄉臣於金闕不能應召往來俄而氣絕守之月餘顏色不變乃斂入棺輕如空衣焉

成仙捷徑

卷二

省城十七甫德雅承印

田仕文法師

田法師名仕文鄆人也隋文帝開皇七年試業入道事常法師師授三洞經法及符訣居常餌服苓朮每齋戒守庚申坐關煉氣歷久無倦容爲人所福當獲感通符咒治病無不應驗陳綱嘗請醮忽神降臺數枚在壇分食之甘美非人間果一日令道徒尹漆佩符籙函度備失足墜水不溺忽已登岸宛有援之者其靈異甚多常語人曰世人有苦遇我必援然未深信時有里人賀蘭開受戒於師一夕卒爲鬼所執至一府庭如人間有司之所掌簿者閱之謂開曰汝有受戒之名可放還陽由是復蘇其通達幽冥之効如此四方信向者衆受賜不可勝紀唐太宗貞觀十七年六月十九日語門弟子曰吾今入南宮福堂矣儼然羽化人皆見空中幢幢羽節迎法師而去

成仙捷徑卷之二終

成仙捷徑卷之三

香山鄭官應陶齋編輯

胡惠超真人

胡惠超字拔俗不知何許人亦不詳其年壽唐高宗上元間來自廬山棲於豫章西山之洪井幅巾布褐徒行負杖至遊輻輳見道長不執板攀奉而已真人美鬚眉體貌瑰偉類四十許人身不甚長然處獨人中其首魁梧獨出雖至長者亦止及其肩故時稱胡長仙問其年曰五十二適數十年間亦復云然至論晉宋興廢則纖毫差不差喜談晉司空張茂先博物如其友或請許真君斬蛟諸仙蹟言之歷歷如親見究不知其為何代人也凡遇善舉無不贊助如逢賑饑尤為出力路見暴骨遺骸悉為收瘞地有寶物古器令掘之如其言聞邪怪為祟即剪除之以遂帷觀為舊遊地惟唐初荒廢間胡不修葺人答以乏材力真人奮然而往不逾月以木棧致高安樟木至江口江口距觀九十里命俄人將木料繫繫縛就宿江岸臨暮飛墨符一道中夜烈風雷雨比明俄已在壇下矣凌林嶺谷所富之路林木披靡摧折又於山下發一窖出錢三百千為役之需所立殿宇非人所能造者皆役役鬼神為之門外鑿三井以辟火災久之異迹顯著化抵京邑唐高宗召除壽春宮狐妖賜洞玄先生天后時蒲輪召之深隱巖谷州縣搜之急不得已至都引見於武成殿后臨問仙事真人止陳道德帝王治化之源后大喜欲留都下委以鍊丹事真人辭請還

成仙捷徑

卷三

省城十七甫德雅承印

山修煉歸西山母靖觀中有三清中門真君橫堂皆鬼神所造人來皆師事之千里之內無疫癘水旱之災無猛獸天折之苦遠近賴焉中宗三年二月十六日命弟子於遊帷之西北伏龍崗造磚壇藏太玄真符二七星神劍靈寶杖各一三日各說正衣冠坐繩床異音滿室空中雲鶴騰外人馬聲不絕視之已解脫矣州具以聞賜錢帛修齋醮諡曰洞真先生姑蘇司馬貞撰碑具載詳悉

李白先生

李白字太白隴西成紀人母夢長庚星而孕因而名之唐興聖皇帝九世孫生於天后聖曆二年五歲誦六甲十歲通詩書觀百家蘇頌異之曰是子天才特秀少益以學可比相如聚許相師係女性素俠輕財好施凡遇急難者無不拯之生平志慕神仙學宗老氏訪道峨眉游江淮觀雲夢客任城與孔巢父韓準裴政張叔明陶沔居但山沈飲號竹溪大逸天寶初至長安見太子賓客賀知章留金貂換酒為樂知章見其文嘆曰子謫仙人也梓於明皇召見金鑾殿論當世事奏頌一篇帝賜食親為調羹有詔供奉翰林白猶與飲徒醉於市帝沉香亭意有所感欲得白為樂章召入白已醉左右以水頰面稍解緩筆成文婉麗稱切無留思帝愛其才白嘗侍帝醉使高力士脫靴力士恥之摘其詩以激楊妃帝欲官白妃輒沮白益放與賀知章李適之汝陽王璣崔宗之蘇晉張旭焦遂為酒中八仙懇求還山帝賜金放還就從祖陳留探訪大使彥允請北

海高天師援錄傳畢歸北海自此抵趙燕魏晉岐商於洛陽游梁最久復之齊魯淮泗再入吳轉徙金陵上秋浦淪陽有詩文不記歲月其學古風云太白何蒼蒼星辰上森列去天三百里邀爾與世絕中是綠髮翁披雲臥松雪不笑亦不語棲真在巖穴我來問真人長跪聞寶訣然忽自晒授以煉藥說銘骨傳其語疎身已電掣仰望不可及憤然五情熱吾將營丹砂永與世人別寶應元年十一月自金陵樂石訪族人李陽冰因捉月赴水而終人謂之水解時年六十四憲宗元和初有人於海上見白與一道士在高山上笑語久之道士於霧霧中跨赤虬而去太白躡身健步追及共乘而去其後白龜年至嵩山遙望東巖古木蕭蕭地步至其傍躊躇羅列有一人前曰李翰林相召龜年趨進其人褒衣博帶色澤秀發曰吾李白也子之祖居易雖不同代亦一時人以其道同今相往復吾白水解放過山水之間因思故鄉西歸嵩峰中帝飛章上奏見白於此掌機已百年矣

許宣平真人

許宣平新安歙縣人也唐睿宗景雲中隱於城陽山南塢結菴以居不知服餌但見不食顏若四十許人輕健行疾奔馬或負薪以賣擔常掛一花瓢反曲竹杖每醉行騰騰以歸吟曰負薪朝出賣沽酒日西歸時人莫問我穿雲入翠微邇來三十餘載或施人危急或救人疾苦城中人多訪之不見但覺聲聲隱隱詩云隱居三十載築室南山靜靜夜玩明月開朝飲碧泉樵人歌隴上谷

成仙捷徑

卷三

省城十七甫德雅承印

鳥獸巖巖樂年不知老都忘甲子年好事者多誦其詩明星天寶中李白自翰林出東遊經傳舍覽詩嘆曰此仙人詩也詰之於人得宣平之實白於是遊及新安涉溪登山屢訪之不得乃題詩於菴壁曰我吟傳舍詩來訪仙人居煙嶺迷高迹雲林隔太虛窺庭但蕭索倚杖空躊躇應化遼天鶴歸當千歲餘宣平歸菴見壁詩又吟曰一池荷葉衣無盡兩畝黃精餌有餘又被人來尋討著移菴不免更深居其菴後為野火燒之莫知宣平蹤迹後百餘歲至懿宗咸通十二年郡人許明恕家有婢嘗逐伴八山採樵於南山見一人坐石上方食桃甚大問婢曰爾許明恕家人耶我即明恕之祖宣平也汝歸為我問明恕道我在此山中與汝一桃食之遺婢隨惟人歸到家具言其事明恕嘆婢呼上祖之名取杖撲之婢隨杖身起不知所之後有人入山逢婢童顏輕身行疾如風云

顏魯公

唐太師顏真卿公名真卿字清臣號魯公德行文章為後世法其功業名節載在史冊永垂不朽固不待言僅采其事蹟見諸別傳者節錄之嘗有道士謂之告曰子功行人間名籍天府然七十當有厄因傳以太陰煉形之法授以刀圭碧霞之丹臨別囑曰他日當於羅浮山待子切須志之公服丹後年老而體貌不衰建中四年奉德宗命問罪李希烈及至大梁被希烈縊之而卒瘞於城南希烈敗家人啓柩見狀貌如生編體金色手握拳指爪蟠繞掌背鬚髮長數尺聞葬假師

北山後有商人遊羅浮山遇二道士奕棋樹下一日何人至此對曰小客洛陽人道士言代家書遣童子取紙筆作書付之及送至北山顯家公子孫得書大驚曰先太師親翰也發塚開棺已空矣徑往羅浮求之竟無蹤可尋又曰先太師書法蓋顯馬尾之勢非摹臨可得而形似者是真得仙矣追慕無窮悵而返

葉千韶真人

葉君千韶字魯瞻洪州建昌人藹性仁慈豁達慷慨少師事西山道士學十二真君道法辟穀服氣常獨居忽大風雷雨電有白衣人拜千韶言君道德臻備仙籍昇當在人間役使鬼神更顯功績今神人將降君可見之無畏也千韶於是焚香拱默而坐俄頃有一朱衣黃官降又神將十餘人皆帶劍佩虎符部從鬼神甚眾有黃衣吏各執簿一卷神將皆列拜千韶真官謂千韶曰天命授君此簿神將吏兵同備役使以救世人千韶拜受大書捧其簿閱之若人間兵籍吏掌其簿書請召則應命後自長嘯則風生林壑噴水則雨流原野足擦地則雷鳴戰戰手畫空則電光燦燦乃遊行天下每伴狂醉傲於城市間忽驅叱以振威問之則曰某處火災某處亢旱使雨以救之耳驗之果然常經過州縣適逢亢旱入請千韶祈雨即備香案設祝須臾雨降有請致雷者用足擦地則鳴從地底發輾輾聲或苦雨求晴不應千韶立爲止雨冬早祈雪則單衣跣足立於日中嘯詠俄頃風雲會合降雪連霄又以持水球人疾苦不俟人求請見則無不救之著

成仙捷徑

卷三

省城十七甫德雅承印

邪者聞千韶之名自愈得其符者終身病不再發唐懿宗咸通十一年遊及漳州開刺史劉防忽中風垂危名醫莫療乃策杖入州曰感我此來使君再生矣書符三道使貼於肩脅臍口驅風從脚出三日當愈於是風塵隨脚心出三日平復如故訪歷官至郡善政及人平生好道乃迎之於郡齋事以師禮辱以金帛謝之遽辭而去尋之無蹤後隱於西山時有見之者

李珏真人

李珏廣陵江陽人世居城市販糴爲生珏性端謹異常年十五隨父販糴父年老珏繼之人有賴與繼即授以升斗俾自量不計時之貴賤歲之豐歉每升祇取兩文利以資父母歲月既深衣食豐足父怪而問之具以實對父曰世之所業無不出輕入重以規厚利吾但以一升斗出入以公平矣汝今更任之自量吾不及也然衣食豐給豈非神明之造耶後父母歿珏年八十餘不改其業值唐李珏出相節制淮南而珏以新節制同姓名避之改名寬李珏下車後數月修醮齋次夜夢入洞府中景色正春翔鸞舞鶴瑞祥雲環繞樓閣獨步其下見石壁光瑩填金書字列人姓名內有李珏字長二八珏自謂久歷顯宦又陞宰輔能無功德及於天下洞府有名我仙人也心自竊喜之際有二仙童出珏問此何所曰華陽洞天此姓名非相公也珏驚問何人曰此相公江陽部民也珏及曉問於道士無有知者召江陽官屬詰之亦莫知也乃令府城內求訪同姓名者數日乃得李寬舊名珏以車迎之入府致淨室齋沐拜爲道長一家欽事朝夕參禮李寬性情素

澹六十時曾有道者教以胎息亦久不食珏愈欽之及月餘乃問道長平生學何道術珏曾夢入洞府見石壁姓名仙童所指是以迎請師事願以相授寬辭以不知道術之事珏復虔拜問寬所修如何寬以愚民不知所修遂具欺誑以對珏再三審問嘆曰此常人之難事陰功不可及也人但有德格天縱食祿亦可名書仙籍塵俗富貴之流當知警矣寬所學胎息亦以實對珏曰師其胎息後李寬一百餘歲猶屬輕健忽告子孫曰吾寄世多年雖然養氣無益汝輩一夕而卒三日棺裂有聲衣帶不解如蟬蛻焉

楊孝子奏明

楊君奏明傳其里居本儒生事親極孝時人稱之爲楊孝子嘗爲郭汾陽幕客性恬淡不貪爵祿每勸汾陽曰軍政雖尚嚴然人命至重不可輕殺故汾陽掌兵二十餘年不妄誅戮者以此凡見尸骸暴露節節軍士埋之軍士有傷病即引醫治之遇荒災之處百姓饑寒流離失所即請汾陽捐貲賑恤地方官籌賑之嘗謂運籌戰國有傷慈心遂出爲長安令德政及民口碑載道唐代宗永泰元年棄官遁迹茅山以其淺近復至廬山峰頂結庵朝夕焚香禱求長生之道積十四年專誠不懈一夜秋月正圓見神人降曰我乃九天使者採訪人間善惡以汝積世有功精持道行誠達九天至清太素三元君命我授汝九天太真道經奏明伏地稱謝神人命侍者授以寶書戒曰始終精勤勿替語訖風雲驟起已失所在奏明從此依經行持凡三十六載憲宗元和八年

成仙捷徑

卷三

省城十七甫德雅承印

呂祖師名

呂祖師名字洞賓號純陽子西府帝君縣承樂鎮人曾祖延之仕唐爲河東節度使祖渭第進士德宗時禮部侍郎貶爲潭州刺史父爲太子右庶子海州刺史歷世積德凡水旱荒年無不奏請發帑查戶賑恤不足則捐俸以繼之母王夫人於貞元丙子四月十四日誕生呂祖鶴頂龜背龍腰虎體翠眉鳳眼修頸露額鼻梁鋒直面色帶黃左眉角有一黑子如筋大後變赤色年二十父命婚劉校尉女既冠喜戴華陽山服白欄衫繫大皂條狀類子房又似太史公四十六兩舉進士不第功名失意遂遊廬山遇火龍真人傳以通天籙劍內丹煉已之訣臨別囑曰子可居此山以圖潛修玉煉他日聞鐘聲響處乃得聞金煉之訣遂去咸通初奉親命入長安赴試至酒肆中浩然嘆曰何日得第以慰親心何日得道以慰我心旁有一道翁聞而笑曰君有出世志耶觀其人青巾白袍長髯秀目手携竹杖腰懸大瓢書一絕於壁曰坐臥長携酒一壺不教雙眼識皇都乾坤許大無名姓疎散人間一丈夫呂祖大驚窺其狀貌奇古詩情飄逸因問姓姓氏道翁曰覆姓鍾離名權字雲房呂祖再拜延坐雲房曰子可吟一絕子欲觀之呂祖遂書其後云生日儒家遇太平懸纓重帶布衣輕雖能世上爭名利臣事玉皇歸上清雲房見詩暗喜因同觀肆中雲房自起執執呂祖忽困倦枕案假寐夢赴京進士及第始白州縣而權即署臺諫給舍翰

苑秘閣及諸清要無不備歷升而復黜而復升前後兩妻富貴男女婚嫁早畢孫甥振振皆勿滿門幾四十年又獨相十年權勢熏炙忽被重罪籍沒家貲妻孥分散流於嶺表一身孑然窮苦憔悴立馬風雪中方興浩嘆恍然夢覺雲房在旁微笑曰黃梁猶未熟一夢到華胥呂祖憐然曰翁知我夢耶雲房曰子適來升沉萬態榮悴多端五十年間一頃耳得不足言夫何足悲且有此大覺而後知人世一大夢也呂祖感悟知功名皆幻境再拜曰先生非凡人願求度世術雲房曰子尚有數年塵緣未了爾然別去呂祖不得已強赴春闈名書雁塔出宰德化縣六月炎天遊廬山避暑忽聞鐘聲響鍾祖從山中出來心知其時到也即求指示前途鍾祖偕坐林間教其致仕歸家早入終南相訪呂祖即行解組卜吉小陽之月即往從師鍾祖於路十次化身以事難之呂祖悉不與悔及至終南相見鍾祖曰真信人也子得火龍之法煉還童體當此六十四歲卦氣盡而返於天復成乾象可奏純陽而今而後子即吾山中友也為更名宮宇洞賓於是以前公入藥鍊一集傳之授以九轉金液大還丹法呂祖潛修密煉三年而體貌異繼以煉已未純三次臨爐不就丹財告竭鍾祖乃出丹母授以黃白點化之法再安爐重立鼎又數年三千行滿八百功圓而大丹成以度人願力弘深常以金丹道妙發露於詩詞歌賦中並著指立篇梯航後學雖位極天爵仍顯化人間歷代皆留仙蹟至今猶現化身所有海山奇遇歷朝封誥具載全集之中咸感慈悲不可思議

成仙捷徑

卷三

五

省城十七甫德雅承印

章善俊真人

章善俊其先世京兆人祖官敏嘗為鞏縣令因家於鞏父昂好山水母王氏初有妊即不能茹章遂蔬食既生母子俱持素十三歲誦道德度人等經人有所患悉為賑濟之用及壯詣嵩陽觀事黃元嘯參究道法又從臨汝洞元觀道士韓元最復授秘要常有二童侍左右唐高宗調露初有劉文兒過山西之西見神人丈餘介甲而坐見善俊來起迎之文兒因訪識者曰此持戒奉道之士也文兒欽異之遂從善俊歸嵩陽寓籍仙觀過壇壝店東有黑犬犬相隨繞旋不去因畜之呼為烏龍龍將遊少林寺以齋食食之僧問人之食而食犬可乎謝曰吾過矣尋出寺而去望之愈遠而犬愈大長數丈化為龍善俊乘之歸嵩陽絕迹不復出長壽中忽謂弟子曰吾學道已九十九今百矣太上召我當往遂乘龍而去

王老真人

王老坊州宜君縣人居於村野好道愛客務行陰陽衣食之餘悉賑貧乏凡凶年即募資親往查戶施濟其妻亦同心不倦有禪道道士趙門王老與妻俱禮迎居月餘日與王老談玄杯酌甚歡俄患惡瘡偏身王道為求醫療治益加劇切將逾年一日道士曰此不煩九藥相療但將數斗酒浸之自愈王老為治精潔藥酒及熟言以大瓮盛之吾自加藥浸之遂脫衣入瓮三日方出瘡髮皆黑容貌轉少肌若凝脂舉家視之驚異謂王老曰此酒可飲能令人飛昇王老信之初飲酒五

斛及甌祇有三兩斗耳清冷香美異於常酒時方與二人打麥遂共飲大醉道士亦飲上天去否王老言願隨師所適於是祥風忽起祥雲如蒸屋舍樹木合家雞犬一時飛去空中猶聞打麥聲村人共觀驚嘆不已惟貓鼠棄墮地下少頃風定其僮打麥二人乃還在別樹下後亦不食皆得長年

譚峭巖真人

譚峭巖茅山道士唐敬宗寶曆時遊天台江浙間貌如二十許人不知其有道務以陰功救物常遺金於途以撥貧乏或報殊不認問其故則曰陰真君化土為金以賑不足吾恨未能且無用之物以遺人亦何怪孰知其有神丹以化瓦礫符篆以役鬼神偶聞人語及隨煬帝東巡事忽失言曰大業中開丹陽河斷三岡脉其下血流吾嘗往觀之由是知其壽蓋數百歲矣弟子鄧甲久事之授以丹訣符術不能盡其妙但陸橘虎兕水縛蛟螭而已因訓之曰人賦分有定水不能致其熱火不能致其寒雖盡吾之道而汝則止是矣文宗開成中輕舉於南嶽

王仙柯真人

唐朝王柯字仙柯青城橫源人家世巨富自幼穎異拔俗長則好善樂施見饑寒窮困者哀憫形於色有告貸者必如願以償置積穀倉數十所豐年歷儲以備荒賑嘗遇異人傳丹訣乃於居側洞中修煉數年無成鼎忽破丹化為金線石後徧遊山園一日至味江龍潭登西峰頂遇道士

成仙捷徑

卷三

六

省城十七甫德雅承印

煉丹柯乃助以薪炭供給奉事三年寒暑不懈道士嘉其志授以秘訣令內修上道外積陰功道士丹成復分遺之仙柯服丹漸覺氣爽神清身輕意暢門前有古柏數株心欲試騰其上而身已舉至其杪由是習之日日如是竟以昇天今相猶在高宗鳳儀三年得道也其地即羅家村道士則羅公遠云

劉德本真人

劉君德本字孝叔鄂州人好古多能尤善家豪貴不求仕進行販江湖唐僖宗乾符二年黃巢陷鄂州松江驚德本自度不能遠鄉拾舟陸行時歲大荒餓殍甚眾遂以所販米數十萬石盡散饑民活者萬餘家死者葬之遠近推戴已而避地廬山五老峰下有道士者蓬頭鹿裘訪之不通姓字德本與之詩酒甚懽久之把臂入深澗見巖下有老人倚杖立德本再拜老人不答徐曰何因到此具述行止以對老人云可同到後院遂相從行約四五里見一洞府金篆題曰紫元景耀之門樓臺層列宮室相連守衛呵禁甚嚴震恐不敢仰視老人曰此詠真洞天也九天使者真王探訪人間以汝善行故許到此汝當籍名九天仙錄度世不死德本再拜曰九天使者真王現居何處老人曰汝宿業尚多骨相未清未可問也汝宜嚴持戒行濟物利生真王洞鑒微他日必垂拔度德本再拜謝恍然不見問道者曰老仙何人曰即詠真洞之靈官九天使者之侍衛也臨別授以丹訣德本叩謝由是徧遊五岳名山擇地結侶潛修丹成功行圓滿一日祥雲環繞跨

鶴飛昇

成仙捷徑卷之三終

成仙捷徑

卷三

七

省城十七甫穗雅承印

成仙捷徑卷之四

譚紫霄真人

香山鄭官應陶齋輯

譚紫霄一云子霄其先北海人也高祖在唐爲達士紫霄生於金陵骨相魁梧神清秀發三教經書秘典無不涉覽得遇異人授以魁罡斗極觀燈飛符之法行之靈驗武昌節度使何敬有寵婢獲怒置井中死人無知者建隆初何得疾藥不愈召紫霄治之紫霄中夜被髮燃燈於靜室見女厲自訴紫霄具言之何曰信然乃丹書送之其疾遂痊又隣僧於溪澗創亭子爲禪石所阻致工百倍不能平紫霄適見曰易耳以指搗訣含水噴之命鎚其石如粉紫霄名傾江湖累朝寵遇其禮皆比蜀杜光庭然多辭而不受凡有所饋醴祭之資皆以延賢達賤貧寒室無囊箱焉聞風而至者百餘人每爲其徒講莊列曰莊列吾教也其書本是精明真性要見本來無物說與釋氏合若能以釋氏之書參觀則莊列之意易明吾於金剛圓覺諸經無所不讀以是本來真性無不了悟今人時謂道家與釋氏矛盾不知真心求道者不如是也但拾其緒餘士直以爲道非惟不悟真經亦且失老莊本意矣復主久飲其風後召至金陵未幾還山宋太祖開寶六年四月一日沐浴上堂端坐而逝春秋一百五十時洞側人見雲氣如龍冲昇而去

藍嶽山人

成仙捷徑

卷四

省城十七甫穗雅承印

藍嶽山石方字元道號衡峰道人性善笑凡逆意者皆能一笑去之因號長笑先生舉動溫厚接物慈和少大皆得歡心或醉遊所亭遇者輒探懷出錢盈掬遺之好施與恤貧之極較疾苦朝廷聞其名特詔上殿賜坐及賜茶餽於芳林園未幾告去賜號南嶽養素先生住南嶽招仙觀學士賈昌期贈真人詩云聖澤濃霑逸身道裝宜用葛巾祝融峰下醉明月湘水溪頭釣紫鱗曾見海桃三結子不知印豆幾回春他年我若功成去願作靈橋晚履人真人和曰近告明君乞得身不妨林下戴縞巾滿斟野酒浮綠蟻旋釣溪魚膾錦鱗元府烏雞飛復夜洞中龍子養長春吾官倘若爲同志續有壺天兩個人有弟子陳通更問無功行即不至神仙之地乎真人曰古之爲功行者恐人知今之爲功行者恐人不知所以功行屠淺卒無成就也建炎初遇呂祖同藍采和來遊衡州授還丹結胎之旨遂南嶽深處結煉不數載而胎成臯州父老自兒童時見之狀貌如一髮委地黑光可愛肌膚若截膏眉目疎遠唇若積朱齒如排玉呂祖命海蟾子教其出殼海遇尙書郎李觀語曰奉煩寄語嶽山先生十月懷胎如何尙不得出觀至南嶽語真人驚曰吾養聖胎已成念非海蟾子不足以成吾道也是年尸解景定間呂祖偕饒廷直張可大往遊衡山絕頂蘆蓬中二道士遜坐稽首敬問云南渡時有道人藍嶽山先生入嶽靜坐言已得還丹懷胎已久在此溫養吾儕得以師事之前有李玉溪尙書郎奉海蟾子寄來十語乃撫掌大笑問靈虛一聲而化敢求指教呂祖曰九年火候直經過候爾天門頂中破真人出現大神通從此天仙可

相賀至此則金丹大事畢矣

劉玄真真人

劉玄真字宗成號海蟾子初名操字招遠後得道改稱焉飛地廣陵人也以明經擢第仕燕主劉守光爲相居官廉潔威惠並行凡水旱荒災卽具陳請發賑恤虛備荒之策素喜性命之說欽崇黃老一日有道人來謁邀坐堂上待以賓禮問其氏族名號俱不對自稱正陽子爲演清靜無爲之宗金液還丹之要既竟乃索雞卵十枚金錢十文以一文置之几上累十卵於錢若浮圖狀海蟾驚異嘆曰危哉道人曰人居榮祿之場履憂患之地其危有甚於此者復以其錢擊破爲二擲之遂辭去海蟾因此大悟卽將金帛關帷三黨解印辭朝易服從道有詩云拋離火宅三千指屏去門兵十萬家紀當時之實也遠來秦川道跡於終南山下輅光隱晦人莫測其所以然一云棄官學道遇呂祖師得金丹之秘往山終南秦華間結張無夢神放訪陳希夷先生爲方外交有詩集還金篇行世復隱代州之鳳凰山宋天聖九年遊歷名山所至多有遺跡壽寧觀題古詩十韻云醉走白雲來倒提銅尾乘引個碧眼奴攬着獨登癡自言秦世事家住高洪井不讀黃庭經豈非龍虎鼎獨立都市中不受俗人請欲携靈藥去上芙蓉頂吳牛買十個溪田耕寸頃種林醞白醪總是神仙境醉臥松陰下閒過白雲嶺要去則便去宜入秋露影仍自寫真其傍撒襟書龜鶴齊壽四字題云廣陵開雲劉某書鳳凰來儀觀亦自寫真飛白清安福壽四字所畫五星

成仙捷徑

卷四

二

省城十七甫德雅承印

王重陽真人

真人姓王名中孚字允卿因學道改名哲號重陽子京兆咸陽人宋政和二年十二月二十二日誕生體貌雄偉偉儀向義不拘小節弱冠業進士才思敏捷齊阜昌初撫治河外不及於秦歲屢薦人幾相食時咸陽醴泉惟真人家富魁兩邑其父盡出餘粟以賑之遠而不及者咸來初取鄰里三百餘家亦因而侵之家財爲之一空有司卒兵捕獲將置之法真人曰鄉人饑荒拾路所得吾不忍置之死地有司賢之遂釋不問人服其德紹興二十九年真人嘆曰孔子四十不惑孟子四十不動心予猶碌碌如此不亦愚乎鄉黨以其生平不修邊幅呼之曰苦風子真人亦受而不辭關中謂狂者爲害風是年六月醉於甘河鎮會二人披髮被跣真人訝之從而叩請其人曰此子可教因授以修真口訣時年四十八故集中有句云四旬八上始遭逢口訣傳來便有功所遇蓋呂祖師化身也次年中秋再遇於醴泉真人趨拜之衆笑曰真人安識眞仙其人邀飲真人叩其姓字里居答曰濮州人年二十二而不告其姓名留秘語五首讀畢焚之且曰速去

投譚捉馬俄失所在真人乃捐棄妻孥送妻於姻家行於鄆社終南間舉止若狂人莫測也別構庵於南村起封高數尺墻深丈餘稱活死人墓又曰行藏以方牌掛其上書王重陽靈位庵四隅各植海棠梨一株同庵庵和公怪而問之答曰吾欲使他日四方教風爲一亦如此植三年遷居劉蔣村北之水中央肆口皆塵外語鄉人素目爲害風莫審其意後焚庵東行携鐵罐乞食出關入登州題詩陝西壁上云一別終南水竹村家無兒女亦無孫三千里外尋知友引入長生不死門金大定七年七月抵甯海諸儒者范明叔主人適與郡人馬宜甫欲宜甫邀館於弟珍重待之初宜甫夢其兩園一鶴從地湧出真人至擇地立庵指鶴起之處命名全真真人欲挽西游宜甫家貴鉅萬入而未決其室孫氏尤難之冬十月真人入環堵約宜甫曰饋一食鎖巷百日示神異非福之報以警之既而戶宜甫乃屏去塵累執弟子禮真人名之曰鉅字玄寶號丹陽子有詩玉者以宿疾來見始拒之玉固請爲弟子留宿巷中其疾頓愈名之曰處端字通正號長真有丘道士年十九離已八道未知所從聞真人在全真庵投謁齋次真人知其遠器贈以詩賜名處機字道潛號長春子此外道俗名流及門者頗集真人以言罵答極磨鍊之稍稍散去篤志不羣者惟馬謂丘而已於是混迹人間潛修九載師將返真有日丹陽已得道長真已知道吾無憾矣處機所學一聽丹陽頓悟處機曰此子異日非常大開教門者也門弟子乞還言真人曰吾昔已嘗京兆渠村呂道人庵之壁口占頌曰地肺重陽子呼爲王重陽來時長日月去後任西

成仙捷徑

卷四

三

省城十七甫德雅承印

東作伴雲和水爲鄰處與空一靈真性在不與衆心同且戒勿哭言訖而蛻泉皆號師忽問曰何至於此鳴馬真以後事若萍關西化我鄉人仍付之密語勿輕傳之又謂長真曰汝輩皆出馬公之手遂書物外親眷詩云一弟一姪兩個兒和子五逸傲修持結爲物外真親眷機脫塵中假合尸周匝種成清靜景道相傳授紫雲芝山頭并赴金華會我赴蓬萊先禮師書畢奄然而逝年五十八時大定十年正月初四也

馬丹陽真人

真人姓馬名從義字宜甫後改名鉅字玄寶號丹陽本扶風人五代世亂遷甯海家素豐父名師揚字希賢以孝義稱有子五人真人乃次子也生於天會元年五月二十日兒時常誦雲鶴之語及長繼業儒而不樂應舉父愛其才使掌庫籍善體親心豫壽賑欸濟貧難由是得孝義名李無夢見而奇之因贊曰額有三山面圓耳長眉目俊準口方相好具足項有神光宜甫受記同步步蓮莊孫君忠顯以女妻之生三子嘗就術者孫子元占夢以稽其壽子元曰公壽不過四十九真人念生死事無常迅速猛省尋師訪道以求長生久視之法大定七年同憲陽高巨才飲於范明叔怡老亭高題詩云他元守一是工夫懶漢如今一也無終日嘲杯暢神思醉中却有那人扶中元後王重陽仙師自終南來徑入怡老亭真人問袍袍竹笠冒暑東來何勤乃爾日宿緣仙契有知己之尋既而食瓜從帶而啖問其故曰甘向苦中來問從何

方來日路遠千里來扶醉人真人默念此何由得知因問何名爲道曰五行不到處父母未生時明叔曰此十字曲盡妙意非神仙能出此語乎談論合契邀歸私第師事之建菴南園名曰全真王仙師欲挽之西遊真人以家事難棄王仙師乃盛陳離鄉之高不離鄉之累與之開釋師弟契義日深是歲十月初王仙師命鎖其庵日饋一食時隆冬風雪四入而神形冲暢謂有寒谷回春之妙鎖庵日仙師每賜真人梨栗必以詩詞寓其微意又於夢中以十犯十戒警之八年正月十一日啟卷出謂真人曰可從我歸去作一獨奇怪事真人於是資產付兒輩與孫氏訣別從王仙師居崑崙烟霞洞忽患頭痛殆不可忍令醫於家久不瘳而日益甚人同報馬公將死仙師鼓掌曰吾三千里外尋知已爾至此乎爲其信之不篤故感此疾與法水服之即愈矣即遣人送去并附以書真人依法服之病若失即如洞叩謝焚香燭狀得仙師賜句云擲下金鈞恰一年方吞香餌任輪牽玉京山上爲鵬化隨我扶遙入洞天迨大定八年正月四日仙師返真於是與同門奉之歸葬京兆劉蔣地方嘗與丘劉潭三同門在秦真武廟玩月次各言其志真人曰關貧謹曰關忍丘曰關問真人常訓門人曰學道者切須法天之道斡旋身中造化十二時中常應常靜雖在可欲不染纖塵工夫純熟神仙必矣二十三年真人往芝陽高莊半途遇者百餘人咸曰海市從且至午見而未滅離間有之非清且不可得見今真人來有此非常漁者鞠斌等不待勸誘聚網焚之少頃有龍駕鶴駕旌幢羽蓋之應聞空中報云王重陽真人至旋見仙師青

成仙捷徑

卷四

四

省城十七甫穩雅承印

中白袍坐龜於碧蓮上龜搖其尾衆會歡呼拜舞仙師同身側臥東南而去十二月仙師復降于萊陽遊仙觀真人屢瞻雲端門人曹獲問其故曰祖師道和公師叔至當赴蓬瀛因呼諸門弟子囑曰汝等望作神仙務要積功累行縱遇千魔萬難慎勿退悔然後可期當領吾言各宜努力夜將二鼓風雨大作雷震一聲師東首枕肱而逝時臘月二十二日也是夜真人叩酒監郭渡中門郭素不信道出而逐之索筆書云長年六十一在世無人識烈雷吼一聲浩浩隨風逸書畢告別堅留之即趨而去又向劉錫屋壁間留題一頌云三陽會裏行功圓跨馬乘風已作仙勸汝降龍與伏虎自然有分亦登天少頃人報師已逝矣方悟兩處所見皆真人顯神也

陳翠虛真人

陳楠字南木號翠虛惠州博羅縣白水巖人不慕名利惟存救濟之心日獲有餘輒施貧乏以盤纏鑪桶爲生潤迹俗塵人莫知爲有道者作盤龍頌云終日盤盤圓又圓中間一位實爲尊磨來磨去知多少個裏全無斧鑿痕鑪桶頌云有漏教無漏如何水泄通既然圓密了內外一真空如此根蒂概可想見矣後得太乙刀圭金丹法訣於毗陵師得景霄大雷根經於黎姥山神人每求待水輒檢土與之病多愈故人呼爲陳泥丸宋徽宗政和中擢提舉道錄院事後歸羅浮以道法救世隨所至處爲人治病療貧減邪除祟種種靈効不能盡述時披髮狂行走日行四五百里鶴衣百結塵垢滿面開食肉爛醉如泥而濟人利物無奇不有當如蒼梧遇郡大旱真人執

鐵鞭下潭驅龍須臾雷雨交作境內霑足過三山大義渡洪流湍悍舟不敢行真人浮笠而濟行次陰管道上被羣盜所殺獲之越日復出指瘞處皆金臺盜驚謝悔過分金而散遊長沙衡帥節執送營州獄翌日已聞長沙矣夜中夜坐或含水銀越宿吐成白金用賑貧乏有叩其年自言閱世四十三然有四世見之者人常求詩出口皆成文理不肯親書有羅浮翠虛吟翠虛妙悟集行世以月法授瑣山白玉蟾真人嘉定六年四月十四日在漳州赴鶴會龍興會主云我當來會尸解命出真人題句曰頂上雷聲霹靂混池落地無踪今朝得路便行騎鶴無角火龍與一繡桶老兒倚角入水而遊當日有葛縣尉在漳州帶鄉縣見之真人與尉之父爲舊交因寄一書使歸潮達其父始知當日在此尸解在彼現身令人莫測

邱長春真人

邱真人名處機字通密號長春登州棲霞人金皇統八年正月十九日生幼穎悟強記夙有道德長尋師天涯備歷艱苦至崑崙間王重陽在海寧全真教即往師焉重陽贈以詩云細密金蟬戲碧流能尋香餌會吞鉤被予緩緩收綸綬搜入蓬萊亦自由其器重可見大定八年侍居烟霞九年與月陽長真長生諸同門從遊梁未幾祖師羽化處墓三年後隱儲谿六年龍門七年復至終南載揚祖教二十八年世宗召見奏對稱旨八月辭還終南賜錢十萬辭不受明昌元年東歸棲霞大建琳宮勅賜額曰太虛凡主職必感靈異泰和七年元妃賜道經一藏大安收元

成仙捷徑

卷四

五

省城十七甫穩雅承印

作學仙記開天記貞祐四年宋遣使召師不起州牧以爲異師曰吾之生處非若輩所知他日恐不能留耳是年五月元太祖自祭靈廟遣侍臣劉仲祿捧旨聘請師慨許行庚辰春選門弟子可從行者得十八人二月入燕行省石抹公館于玉虛觀先遣使馳奏師奉表以聞北行道出居庸遇盜盜皆釋類以退五月至德興寓龍陽觀八月太傅移剌公請居宣德之朝元觀十月使迎答詔殷款通勤沿途接應又勅仲祿無使真人勞扶持緩來其禮敬如此辛巳二月道友饒行於西郊七月至阿不罕山鎮海來謁言前有大山廣澤阻陷不可以車留門弟子宋道安等九人立棲霞觀率精衛虛羣輕騎以行十一月至邪迷思于大城之北太師移剌國公等載酒以迎壬午三月上旬阿不罕至自行宮宣諭仲祿鎮海獲從真人來仍勅萬戶播魯只領甲士千人衛護遂行行在舍館定人見上嘉勞之設帳於御座之東以居之尋辭還館迭次召見論道對以清淨寡欲之語咨詢政治陳以仁孝恭儉省刑薄斂之條上悅服悉令左右書之於策詳見慶會錄癸未三月七日入辭所賜備極豐腆皆辭之授尊重安慰之旨以龍其歸命阿里鮮獲送八月至宣德之朝元觀阿州府王官將帥以書疏來請者若輻輳然師恨不化身分酬衆望甲中二月衆官疏懇請住太極宮許之乃度居庸是月使至傳旨神仙至漢地凡朕所有之城其欲居者居之是後道侶雲集主教日興迭建八大會求法名日益衆常以歌頌示之連年主醮禱雨禳星無不靈驗民困徵役以常住物周之丁亥五月奉旨改太極宮爲長春瑤華島爲萬安宮仍賜以

虎符凡道家事一委神仙處置所歷設觀院道場凡八十一所六月師不出一日雷雨大作人報太液之南岸崩裂水入東湖池遂枯涸北口山亦摧師默然良久笑曰山摧池涸吾將與之俱乎謂門人曰昔丹陽嘗授記於予云吾歿後立教大興四方往往化為道鄉道院皆勸賜名額又當住大宮觀仍有使者佩符乘傳幹教門事此乃功成名遂歸休時也丹陽之言一皆驗吾歸無遺憾矣九日登寶玄堂留頌云生死朝昏事一般幻泡出沒水長開微光見處跳烏兔量寬時納海山揮斥八法如咫尺吹噓萬有似機關狂辭落筆成塵垢寄在時人妄聽聞書畢而逝春秋八十四方赴喪者哀慟如喪其親戊子三月朔清和建議為師構堂於白雲觀期以七月九日大葬七月初啟棺容色如生觀者如堵三日藏僊蛻於堂異香竟日宜撫王梅會葬自為主盟親殯其堂曰處順至元六年己巳正月褒贈長春演道主教真人師之散文有磻溪鳴道集行於世

莫月鼎真人

真人姓莫名洞一字起炎號月鼎浙西雲川人生而聰慧英敏過人酷慕神仙與西楚沈震雷同師事鐵壁鄒真人得侍宸王真君九天雷晶隱書由是名著當時至若會稽混融韓公錢塘楊和玉蟾川諸公望重當代道法所宗者皆杜香座下以此道法愈重真人落魄無家隨寓而止求其道者甚眾然往往遺世絕俗飲酒輒醉自樂天真至元丁亥被召赴闕符法備揚雷雨即在指顧之間一時名震京師門徒雲集有不遠千里而來者一旦有致求修五十經為符者真人成仙捷徑

卷四

六

省城十七甫德雅承印

令執以從遊遇酒肆則入見貧寒則施及哺而還緒已罄矣察門人之有道材法器者循循以進之雷經之與發揚底蘊開示來學即如使者一符每授門人篆形各異及考其元微同歸一致其流派盛於西江昌於東吳扶教澤民功難盡述庚寅秋日方午跌坐問弟子曰此何時也曰卓午矣雷筆作傷曰七十四年明月也曾陰晴圓缺今日大地光明三界虛空透徹書畢端坐而逝顯貌而丹宋翰林宋景濂述其道行最詳

張三丰真人

張三丰名通字君寶遼陽懿州人定宗丁未四月初九日子時生豐神奇異龜形鶴骨大耳圓睛五歲目染異疾積久漸昏拜碧落宮住持張雲菴為徒靜居半載而目漸明中統元年舉茂才異等至元甲子秋游燕京時方定鼎於燕詔令舊列文學才識者待用栖遲燕市聞望日隆始與平章政事廉公本憲識公異其才奏補山中博陵令遂之官時歲饑真人慮流民失所將蒸為疫糗先於城外擇地召富家捐資相助成屋數千餘家并灶器用皆具民至如歸復僱各匠教其各習一藝俾自食其力生活甚眾政暇訪葛洪山相傳為稚川修煉處因念一官蕭散頗同勾漏予豈不能似稚川越年丁艱報盡遂絕意仕進奉諱歸遼陽營居制居數載日誦洞經條有邱道人叩門相訪劇談玄理滿座風清灑然有方外之想道人既去因束裝出嶺北燕趙東齊魯南韓魏往來名山古刹且行且住幾三十年均無所遇乃西之秦隴度陳倉見寶雞山澤幽邃而

成仙捷徑

卷四

七

省城十七甫德雅承印

清乃就居焉中有三尖山三峰挺秀層潤可喜因自號三丰居士延祐元年六十七始入終南得遇火龍真人傳以大道德名玄素一名玄化號玄玄子別號崑崙山居四載功効寂然聞斯道者必須法財兩用平生游訪好善樂施饒裕殆空不覺淚下火龍佐之進告以故乃傳丹砂點化之訣命出山修煉玄辭恩師和光混俗者數年泰定甲子春南至武百調神九載而道始成於是湘雲巴雨之間隱顯遊遊又十餘歲乃於至正初由楚還遼陽省墓訖復至秦蜀由荆楚之吳越僑寓金陵遇沈萬三傳以丹道事在至正十九年臨別真人預和萬三有從邊之禍囑曰東南王氣正盛當晤子於西南也仍還秦居寶雞金山觀九月二十日陽神出遊士人楊軌山以真人辭世買棺收殮臨窆之際極有聲如雷啟視復生蓋其陽神出游厚朴者見之以為宛其死矣復乃携軌山遊去明初結庵於太和故為煉漢人目為真遺道人洪武十七年太祖詔求不赴十八年又強沈萬三敦請亦不赴二十五年適太祖徙萬三於滇南踐約來會同煉天元服食大藥明年成始之貴州福泉山朝真禱斗候詔飛昇建文元帝完璞子訪真人於武當適從平越歸來相得甚歡永樂八年侍讀學士胡廣奏言真人深有道法廣具神通五年即命胡濙等遍游天下訪之十年又命孫碧雲於武當拜候並致書相請直逮十四年並不聞有蹤迹帝乃怒謂胡廣曰卿言張三丰蘊抱玄機胡弗敢來見朕也斥廣尋之廣大懼星夜抵武當焚香泣禱是年五月朔為南極萬壽老君命諸仙及期大會時真人亦在詔中遂與玄天官屬御氣同行適見胡廣情切乃按雲車許以陞見入朝後即赴上清之命飄然而去

成仙捷徑卷之四終

重刊富貴源頭成仙捷徑書後序

戊申年夏東西北江潦水同時暴漲涌圍崩決廣肇惠韶各屬半成澤國尸骸則到處飄流老幼則沿途悲泣聞之者傷心見之者墮淚故各災區紳商紛紛到省請善堂籌賑雖省港善士或捐巨款或運米糧馳往散賑惟地廣災深恐難普及且修築基圍以工代賑種種善後之事爲日方長需款甚鉅自愧綿力無補時艱茲約同志重印富貴源頭成仙捷徑分送仁人君子廣爲勸助俾救災公所救人救徹毋使一夫失所修築基圍早歸故土行看捐貲籌賑者悉如是書所載求富得富求貴得貴求仙得仙書云人之好善天必從之請自擇焉

成仙捷徑

八

省城十甫德雅承印

